

新增傷寒廣要卷第六

日本東都漢醫大家丹波元堅亦柔甫撰述

紹興中西醫協會監察委員長何廉臣新增

協會常務委員兼文牘員 男幼廉校勘

太陰病

證候

問。胃。膈。不。快。臍。滿。閉。塞。脣。青。手。足。冷。脉。沉。細。少。情。緒。或。腹。痛。此。名。太。陰。也。近。人。多。不。識。陰。證。纔。見。胃。膈。不。快。便。投。食。藥。非。其。治。也。大。抵。陰。證。者。由。冷。物。傷。脾。胃。陰。經。受。之。也。主。胃。膈。臍。滿。面。色。及。脣。皆。無。色。澤。手。足。冷。脉。沉。細。少。情。緒。亦。不。因。嗜。慾。但。內。傷。冷。物。或。損。動。胃。氣。遂。成。陰。證。復。投。巴。豆。之。類。胃。膈。愈。不。快。或。吐。而。利。經。一。二。日。遂。致。不。救。蓋。不。知。寒。中。太。陰。也。太。陰。者。脾。之。經。也。

活人○案此說不純。且太陰本無

胸滿。熱論云。四日太陰。華陀云。四日在胃。此似錯綜之者。姑存之。

凡看傷寒。有口沃白沫。或睡多流冷涎。俱是有寒。吳茱萸湯。理中真武湯之類。看輕重用。切忌涼藥。書六

桂枝加大黃湯變方。本方。竊以爲溫利之劑。仍以溫脾諸湯隸之。

溫脾湯。治脾胃冷實不消方。

大黃兩四 人參 甘草 乾薑各二兩 附子一枚大者。

右五味。㕮咀。以水八升。煮取二升半。分三服。臨熟下大黃。與後溫脾湯小異。須大轉瀉者。當用此方。神效。千金

溫脾湯

大黃 桂心各三兩 附子 乾薑 人參各二兩

右五味。㕮咀。以水七升。煮取二升半。分三服。千金 外臺。深師溫脾湯。於本方。

去桂心。人參一兩半。餘同。

本事溫脾湯。於本方。去人參。加厚朴。甘草。大黃四錢。餘各半兩。○案



南京中醫藥大學圖書館藏

法律。半兩。作二兩爲說。云。叔微所論。深合仲景以溫藥下之之法。其大黃止用四錢。更爲有見。夫久留之邪。非攻不去。多用則溫藥恐不能制。而洞下之勢。或至轉增。裁酌用之。眞足法矣。

深師大溫脾湯。療脾胃中冷不得食。又穀不消。嚮嚮脹滿。時苦下痢方。

黃芩 人參 芍藥 附子炮。各一兩。 甘草炙。 乾薑 大黃厚朴。各二兩。

兩。

右八味。切以水八升。煮取二升八合。分爲三服。亦可四服。得下佳。不下須臾。

復服。甚良。忌猪肉海藻菘菜。外臺○案溫脾湯諸方。本爲雜病痼冷設。實出於大黃附子湯。今錄之太陰中。以爲桂枝加大黃湯變。溫利

之劑。又案大溫脾湯中黃芩。似可去。千金。更有用芒消方。非寒實所宜。仍不錄。

乾薑圓

乾薑炮。 巴豆去心。炒。 大黃溼紙裹。飯上蒸。 人參各一錢。去蘆。

右除巴豆餘爲末。同研。煉蜜圓如梧子大。服前湯時。用湯吞下一圓。米飲亦

得。本事○此方。原出溫脾湯後。故今亦附錄于此云。

理中湯諸方

傷在太陰。脾之經也。理中丸主之。丸不及湯。大便結者宜丸。大便軟者宜湯。

如寒證不能食者。理中建中各半湯。爲二中湯。以治之。陰證略例

治中湯。治太陰傷寒。手足溫。自利不渴。腹滿時痛。其脉尺寸俱沉細。三因○案此方係理中

湯。加青皮。陳皮。本出活人。然不如用本方者。故不錄。

附子理中湯。治寒邪中於太陰。嘔吐清涎沫。腹中冷痛。或下利清穀。吐蛔蟲。脈來沉細。急宜溫之。

乾薑 附子 炙甘草 各一錢

人參 二錢 白朮 二錢

水煎服。心悟○按此本于玉案。又此方。翹見巢源痢病中。

加味理中飲。治太陰證。自利不渴。手足溫。身無熱。脉來沉而無力。此屬臟寒。

乾薑 白朮 人參 甘草 肉桂 陳皮 茯苓

嘔吐者。入半夏薑汁。踈臥沉重利不止。少加附子。利後身體痛者。急溫



之加附子。自利腹痛者入木香磨薑汁調服和之。水二鍾薑一片棗二枚煎之臨服槌法入炒陳壁土一匙調服。取土氣以助胃氣。六書節錄

少陰病

證候陰證似陽

脉沉而緩或微細如絲按之無神沉而欲脫口淡不渴或渴不欲飲喜極熱之湯。陰本證。是少舌帶糙米色或如猪腰色或如淡墨色或白苔而潤或無苔而燥短縮不能伸胸滿而嘔或吐不止或下利或不大便心下悸耳鳴睡中恍惚如在空中自語問亦不知或竟不睡心煩喜躁不思食食即嘔手足厥冷面青黑此裏氣大虛寒也。直解於六經中但少陰證難辨本經但云脉沉細欲寐小便數而白背惡寒四肢厥者可不審而知或雖有惡寒甚者不覺寒或但喜厚衣近火喜瞋睡問之則不言怕寒殊不知厚衣即怕寒也善瞋睡但欲寐也。類證



凡傷寒陰證難看。凡看傷寒。惟陰證最難識。自然陰證。人皆可曉。及至反常。則不能矣。如身不發熱。手足厥冷。好靜沉默。不渴。泄利腹痛。脉沉細。人共知爲陰證矣。至於發熱面赤。煩躁不安。揭去衣被。飲冷。脉大人皆不識。認爲陽證。悟投寒藥。死者多矣。必須憑脉下藥。至爲切當。不問浮沉大小。但指下無力。按至筋骨全無力者。必有伏陰。不可與涼劑。脉雖洪大。按之無力者。重按全無。便是陰證。六書

身微熱。煩躁面赤。脉沉而微。此名陰證似陽也。陰發躁。熱發厥。物極則反也。大率以脉爲主。諸數爲熱。諸遲爲寒。無如此最驗也。假令身體微熱。煩躁面赤。其脉沉而微者。皆陰證也。身微熱者。裏寒故也。煩躁者。陰盛故也。面戴陽者。下虛故也。若醫者不看脉。以虛陽上膈躁。誤以爲實熱。反與涼藥。則氣消成大病矣。外臺祕要云。陰盛發躁。名曰陰躁。欲坐井中。宜以熱藥治之。仲景少陰證面赤者。四逆加葱白主之。活人○案外臺。今無所攷。蓋錯引也。

病人頭面青黑。手足厥逆。不燥渴。六脉沉細。陰證了然。却有身熱而渴。譫言鼻
衄。發黃發斑。大小便不利。六脉浮大。若陽證俱備。而不然者。身雖煩熱。而手足
指尖微有厥冷。諸陽會於四末。此辨陽氣有無之要法。雖有煩渴引飲。亦自喜
熱而惡冷。口雖譫言。而鄭重之聲。散而不知高下。或臥而譫言。醒而又定。若誤
發其汗。下厥上竭。皆能鼻衄。縱有發黃發斑。大小便不利。陽證俱備。略不燥渴。
脉雖浮大。或散而數。按之全無。此陰盛隔陽。裏寒外熱。陰證如陽。諦矣。經云。脉
從而病反。何如。曰。脉至而從。按之不鼓。此陽中伏陰之脉。正合此也。永類

蓋陽證面紅光彩。唇紅口乾舌燥。能飲涼湯冷水也。其人則身輕易如轉動。常
欲開目見人。喜語言。其聲響亮。口鼻之氣。來往自熱。小便或赤或黃。大便或祕
或鞭。手足自溫煖。爪甲俱紅活。此皆陽症之大略。大抵陰症。則面青黑。或有虛
陽泛上。雖面赤色。而不紅活光彩也。其人身重。難以轉側。或喜向壁臥。或踈臥
欲寐。或閉目不欲見人。懶言語。或氣少難以布息。或口鼻之氣。往來自冷。其聲

音不響亮。或前輕而後重。或時躁熱。煩渴不能飲水。脣口或青或紫。舌色或青或紫。或白胎鋪滿而滑。不見紅色。手足自冷。爪甲或青或紫。血自不紅活。小便清白。或有淡黃。大便不實。且熱在肌肉之分。以手按之。殊無大熱。陰甚者則冷透手也。自是發熱與陽症有別。不可以面赤煩渴爲論。要在仔細審詳而辨之。可也。蘊要

夫陰症似陽者。乃水極似火也。蓋傷寒傳變。或誤服涼藥。攻熱太速。其人素本腎氣虛寒。遂變陰證。冷甚于內。逼其浮陽之火發于外。其人面赤煩躁。身有微熱。渴欲飲水。後不能飲。大便陰結不通。小水淡黃。或嘔逆。或氣促。或鄭聲。或咽喉痛。所以狀似陽症。或者不識。見面赤煩渴。大便秘結。認作陽症。妄投寒涼之藥。下咽遂斃。可不謹哉。切其脉。沉細遲微者。急以通脉四逆湯。倍加人參附子。○案此當云通脈四逆湯加人參。以接其真陽之氣。爲之緊要之治也。設或差遲。遂至陰盛陽衰。參附亦不能救之。此與陰盛格陽例同。王太僕所謂身熱脉數。按之不鼓擊者。

此名陰盛格陽。非熱也。

○至真要大論云。脈從面病反者。其診何如。岐伯曰。脈至而

致之。非熱也。乃寒盛格陽而

東垣又云。謂之面赤目赤。煩渴引飲。脈來六七至。按之則散者。

此無根之脈。用薑附湯加人參治之而愈。此陰陽幽顯之奧。水火微光之微。學

者當求內經之旨。則造化理可得而明矣。

同上○辨注云。陰證似陽。乃直中三陰者居多。上論但云。傷寒傳經。或攻熱太速

所致。其言猶未盡然。

傷寒外編云。若發於陰者。始病不發熱。無頭痛。便自利。厥逆。腹痛。口

不渴。身體沉重。難以轉側。嘔吐瀉利。惡寒踈臥。戰慄吐沫。手足指冷。厥逆。爪甲

青黑。面如刀刮。顏色黯慘而不光。舌上雖黑而無胎。脈來沉遲細小。皆三陰自

中之寒證。其或面赤戴陽。身有微熱。咽乾煩躁。脈來數疾無倫。乃水極似火。因

虛冷內盛。逼其浮陽發外也。又如始本陽證。誤服涼藥。攻熱太速。其人腎氣本

虛。胃氣素弱。遂變陰寒。雖發熱面赤。欲引衣自覆。而手足必寒。或躁渴欲飲水。

而不能嚥。或嘔噦而欬逆。或咽痛而鄭聲。時躁悶亂。如坐臥泥水中。稍袒露即

畏寒莫禁。腹痛可按可揉。而不硬滿。下利清穀。白沫及淡黃水。小便清白。厥逆

過肘膝而不復熱。舌上略有黑胎。與灰色胎。胎雖老。必極薄無津。而不燥裂。無芒刺。脉多沉細。或浮大數疾。按之必虛。輒無力。不鼓擊於指下者。此爲陰極似陽。不可誤認熱證而下之。此證急溫。尙且十難救一。百不一生矣。論緒

陰證不可遽涼回陽後治例

夫熱病用寒。寒病用熱。虛病用補。實病用瀉。夫人而能知之也。虛寒病用溫補而應。實熱證用涼瀉而應。亦夫人而能知之也。至於本是虛寒。用溫補而前症仍在。反覺躁亂不寧。或戰慄。或呃逆。或嘔吐。乃病根深固。藥力未及。更加大劑投之。卽或舌反燥渴。乃陰有轉陽之機。切不可改爲別治。大約虛寒之證。其得生者。必須君火未衰。反見舌乾等證。此陰寒去而真陽回。更須薑附之類。以助其陽。則津液生而舌復潤。不可見舌乾卽投以涼劑。則前功盡棄矣。然而虛寒之證有二。一則本是虛寒。而臟氣未傷。醫誤用涼瀉。卽變厥逆嘔呃煩躁等證。此爲醫所逆也。投以溫補。應之甚速。一則病干三陰神藏。傳變甚速。卽見溫補



亦不見效。更有虛寒之證。服溫補而反不安。服涼瀉而反適。此非不可溫補。而可涼瀉者也。乃正氣已敗。兩寒相得。同類相從也。此亦必死之證。至於實熱之證。病不傷藏。治之或差。不過耽延時日。決不能死。卽或危篤。或瀉或下一服。卽愈。斷不若虛寒證。非數十劑不能愈也。又有本是虛寒。藥力已到。有化熱之象。輕則聽其自然。止其溫補。重則少加涼劑。一撥卽轉。又不可膠柱鼓瑟。故往往前人溫補。而病不去。後人清涼。而病卽除。此前之功。而非後之力也。此數者。皆予所身親試驗。凡爲醫者。當三復斯言。庶幾乎臨證不惑也。直解

凡三陰寒症。用桂附諸湯。惟恐其陰不去。而陽不回。其後腹中微有熱象。及小便短赤者。最妙。乃陽氣來復。積陰可以盡去。俗醫不解。謬謂熱藥過燥。火從內起。恐燥真陰。改用寒涼。則陰復進。而陽更退。前功盡廢。可慨也。舒氏

凡服溫經回陽藥後。其人微煩而渴。脉來微數。而不實堅。身體安和。靜臥者。少與生脉散。或清粥飲。其渴自止。慎勿誤與涼藥。復助陰寒也。緒論

溫補不可少緩

寒中少陰。行其嚴令。埋沒真陽。肌膚凍裂無汗。而喪神守。急用附子乾薑。加葱白以散寒。加猪膽汁。引入陰分。然恐藥力不勝。熨葱灼艾。外內協攻。迺足破其堅凝。少緩須臾。必無及矣。此一難也。若其人真陽素擾。腠理素疎。陰盛於內。必逼其陽亡於外。魄汗淋漓。脊項強硬。用附子乾薑猪膽汁。卽不可加葱及熨灼。恐助其散。令氣隨汗脫。而陽無絲內返也。宜撲止其汗。陡進前藥。隨加固護。腠理不爾。恐其陽復越。此二難也。用附子乾薑。以勝陰復陽者。取飛騎突入重圍。搯旗樹幟。使旣散之陽。望爭趨。頃之復合耳。不知此義者。加增藥味。和合成湯。反牽制其雄入之勢。必至迂緩無功。此三難也。法律○原凡八難。俱不確。姑存其三。然如撲汗。亦覺難施。

陰似陽治驗

張子和四令郎傷寒四五日。兩脉虛微。神氣昏亂。躁煩不寧。時欲得水。復置不飲。棄衣而走。勇力倍於常時。言語狂妄。不避親疎。知爲羣陰格陽欲脫。外顯假

熱內伏真寒也。爲定參附理中湯。大振陽氣。以敵陰邪。時羣醫滿座。皆謂火熱有餘之證。不用溫補。而欲行寒下。余曰。陰盛之極。虛陽不勝。不勝則陰乘陽位。而陽以外亡。躁煩狂亂。種種不寧。有似陽邪內甚。孰知其爲陽氣外散耶。觀其得水不欲飲。情已畢露。豈有大熱之證。而不欲引水自救者耶。且卽指外證。爲陽實有餘之候。則將指兩脉微弱無神者。爲陰虛不足之兆耶。嗟哉。一七之謬。永刼莫懺。諸君愼之。言未竟。適浙友胡先生至。議論方案。與余若合符節。謂此證。陰盛於內。陽微於外。若不急救。大汗一至。孤陽氣絕。難爲力矣。時病家始委心聽用。隨用前藥。加人參至四兩。煎成冷服。一二時許。狂亂頓止。反見寒慄。欲覆重被。陽虛之狀始露。再與前藥一劑。神清熱退而安。印機草

陰變陽治驗

郭雍治一人。盛年恃健。不善養。因極飲冷酒食肉。外有所感。初得疾。卽便身涼自汗。手足厥。額上冷汗不止。遍身痛。呻吟不絕。偃臥不能轉側。心神俱無昏憤。

不恍惚。請醫視之。治不力。言曰。此證甚重。而病人甚靜。殊不昏憤。身重不能起。自汗自利。四肢厥。此陰證無疑也。又遍身痛。不知處所。出則身如被杖。陰毒證也。當急治之。醫言繆悠。不可聽。郭令服四逆湯。灸關元及三陰交。未知加服九鍊金液丹。利厥汗證皆少止。稍緩藥艾。則諸證復出。再急灸治。如此進退者三。凡三日兩夜。灸千餘壯。服金液丹亦千餘粒。四逆湯一二斗。方能住灸湯藥。陽氣雖復。而汗不出。證復如太陽病。未敢服藥。以待汗二三日。復大煩躁。飲水。則讖語斑出。熱甚無可柰何。復與調胃承氣湯得利。大汗而解。陰陽反覆。有如此者。前言煩躁不可投涼藥。此則可下證具。非止小煩躁而已。故不同也。類案

麻黃附子甘草湯變及溫汗諸方

治傷寒一日。太陽受病。頭痛項強。壯熱惡寒。宜服桂枝湯方。

桂枝

半兩

附子

半兩

乾薑

半兩

甘草

半兩

麻黃

一兩

右件藥。搗篩爲散。每服四錢。以水一中盞。以葱白二莖。煎至六分。去滓。不計

時候稍熱服。如人行五里。以稀葱粥投之。衣蓋取汗。如未汗。一依前法再服。
聖惠○案治證當不拘。要是少陰溫汗方。蓋聖惠以寒字實講。故有此錯。 又治傷寒病極。脉沉厥逆。通脉散於本方。

去乾薑。入生薑半分。棗三枚煎。聖濟治中風傷寒。頭目四肢疼痛。惡寒乾嘔。桂附湯於本方。去乾薑。加芍藥。入生薑一分。大棗二枚煎。

治傷寒二日。陽明受病。宜服桂枝附子湯方。

桂枝一兩 附子一兩 甘草半兩 赤芍藥半兩

右件藥。搗篩爲散。每服三錢。以水一中盞。入生薑半分。棗三枚。煎至六分。去滓。不計時候。稍熱頻服。汗出即愈。
聖惠○此即桂枝加附子湯。今移治表寒。治證當與上方同看。

若初得病。便見少陰證。其人發熱惡寒。身疼。頭不痛者。宜麻黃附子細辛湯微汗之。或五積散。加熟附半錢。
要訣

石頑治玉峯陸去非繼室。嘉平患惡寒。周身骨節皆疼。飲食不入者。已三日。而惡寒未止。全不發熱。診其六脉。悉緊而細。詢之。平日起居飲食絕少。雖暑月不



離複衣。知其素稟虛寒。而不能發熱。洵為太陽寒傷營證無疑。但從來極虛感寒。無正發汗之理。乃以黃耆建中。製生附汁於著內。以助衛氣。一服肢體即溫。但背猶畏寒不止。更與補中益氣。十全大補。並加熟附而安。緒論○此亦少陰真中。非太陽證。故揭手。

此。其不列之治驗者。以不便參對也。

溫補兼清方

下利發熱者。於竹葉湯中。去石膏。加熟附。名既濟湯。易簡○案竹葉湯。即竹葉石膏湯。

如參附

湯證。○見下。

渴。宜既濟湯。如宜。

如初愈。燥渴不驚。○疑不解。

宜竹葉石膏湯。如體虛者。

既濟湯。同上。

治虛煩上盛下虛。煩躁自利手足冷。

入門○案是方。此間人少有用者。先君子施之陽變陰。猶剩

浮熱者。及少陰病。未至太脫。而虛熱燥渴者。其應如神。誠為善于變通。而補古方所不足者。故特筆出之。

附子湯真武湯變方

此二方。自有表裏之分。以其藥料稍同。姑併出之。

治傷寒一日。壯熱頭痛。其背惡寒者。宜服附子湯方。

附子一兩

赤茯苓兩半

赤芍藥兩半

人參兩半

白朮兩半

桂心兩半

右件藥。搗篩爲散。每服五錢。以水一大盞。入生薑半分。棗三枚。煎至五分。去滓。不計時候溫服。聖惠

治傷寒病三日。腹痛。小便不利而嘔者。屬少陽病證。宜服赤茯苓散方。

赤茯苓兩一

赤芍藥兩一

白朮兩一

附子兩半

乾薑兩半

右件藥。搗篩爲散。每服三錢。以水一中盞。入生薑半分。煎至五分。去滓。不計

時候溫服。聖惠○此云少陽亦當活看。

四逆湯變諸方

治陰毒傷寒。脉候沉細。四肢逆冷。煩躁頭痛。咽逆湯方。

乾薑兩半

附子兩半

桂心兩半

甘草兩半

白朮兩半

當歸兩半

右件藥。搗麤羅爲散。每服三錢。以水一中盞。煎至六分。去滓。不計時候。稍熱

頻服。聖惠

又治傷寒四逆。及內有久寒方。於本方。去當歸。加人參。

治傷寒大汗出。熱不去。腹內拘急。四肢厥冷。并下利方。

